



CONCELLO DE CASTRELO DO VAL (OURENSE)

RÚA TOURAL, 15 - TELF. 988 419 002 - TELEF./FAX 988 419 122

ACTA 2023-12

PRIMEIRA CONVOCATORIA

SESION ESPECIAL CONSTITUTIVA DA XUNTA DE GOBERNO LOCAL

22 de Xuño de 2023

Lugar

SALA DE COMISIÓN DO CONCELLO

Hora de Inicio

10:30

Hora de Finalización

10:42

Presidente: VICENTE GÓMEZ GARCÍA
Secretario: SANTIAGO DE LORENZO TABOADA
Interventor: .

MEMBROS ASISTENTES

JOSE RAMON LOPEZ PEREZ

LUCIA GIL CID

MARIA DEL MAR VALLE ALVAREZ

Pola Presidencia declarase aberta a sesión e, en relación cos asuntos previstos na orde do día da mesma, adoptáronse os seguintes

ACORDOS:

UNICO. CONSTITUCION DA XUNTA DE GOBERNO LOCAL

Ó abeiro do que se contempla no artigo 23 da Lei 7/1985, do 2 de abril, e no artigo 52 do Regulamento de Organización, funcionamento e réxime xurídico das entidades locais; e disposicións concordantes da Lei 5/1997, do 22 de xullo, de administración local de Galicia; logo de ver as facultades que se lle confiren ó Alcalde no artigo 43.1 do devandito Regulamento de Organización, previo acordo adoptado polo Pleno do Concello, na súa sesión de data **22 de xuño de 2023**; e consonte coa resolución da Alcaldía de data **19 de xuño de 2023** pola que se nomean membros da Xunta de Goberno Local ós Primeiro, Segundo e Terceiro tenentes de alcalde.

Os mencionados señores **Dna. María del Mar Valle Álvarez, Dna. Lucía Gil Cid e D. José Ramón López Pérez** foron oportunamente notificados e convocados á sesión constitutiva para o día de hoxe.

Segundo a lexislación vixente, a Xunta de Goberno Local está presidida polo Sr. Alcalde, **D. Vicente Gómez García** e se integrará polos tres concelleiros sinalados, número non superior ó tercio total legal de membros da Corporación, que son nove.

Declarada aberta a sesión polo Sr. Alcalde, manifestouse aos reunidos a finalidade da convocatoria da presente sesión, que é a constitución da Xunta de Goberno Local do Concello, polo que primeiramente procede a aceptación expresa polos asistentes da súa calidade de membros da **Xunta de Goberno Local do Concello de Castrelo do Val**, como efectivamente o fan todos eles.





CONCELLO DE CASTRELO DO VAL (OURENSE)

RÚA TOURAL, 15 - TELF. 988 419 002 - TELEF./FAX 988 419 122

A continuación manifestouse ós presentes que a Xunta de Goberno Local ten asignada por lei a función de asistencia ó Sr. alcalde no exercicio das súas funcións, do que quedan enterados os presentes.

Seguidamente pasouse a dar conta do contido dunha **resolución** da Presidencia de data **19 de xuño de 2023** pola que expresamente **se delegan na Xunta de Goberno Local as atribucións** que se relacionan a **continuación**:

PRIMEIRO: A aprobación das Certificacións de obra, facturas así como dos documentos que verifiquen a recepción do subministro, ou no seu caso a confirmación da prestación do servizo, derivadas todas elas dos expedientes de contratación cando a competencia está atribuída a Alcaldía. A aprobación dos proxectos de obras e de servizos, os de seguridade e saúde e demais necesarios para a execución, cando sea competente para a súa contratación ou concesión e estén previstos no orzamento.

SEGUNDO: A aprobación dos padróns de contribuintes e listas cobratorias, así como as resolucións de reclamacións de altas e baixas.

TERCEIRO: A resolución de expedientes de devolución de ingresos indebidos por calquera concepto e o recoñecemento de beneficios fiscais, incluída a resolución de recursos que se interpoñan

CUARTO: As demais que a lexislación do Estado ou da Comunidade Autónoma asigne ao Municipio e non atribúan a outros órganos municipais, sempre que a Alcaldía as someta o exame, deliberación e decisión da Xunta de Goberno Local, mediante a súa inclusión na Orde do día da respectiva sesión.

QUINTO: Nos acordos que se adopten por Xunta de Goberno Local por delegación, deberá facerse constar esta circunstancia e entenderáanse ditados por esta Alcaldía como titular da competencia orixinaria, sendo inmediatamente executivos. Non obstante, esta Alcaldía reservase a posibilidade de avocar en calquera comento a competencia delegada, conforme ó establecido nos artigos 116 e seguintes do Real Decreto 2568/1986, do 28 de novembro polo que se aproba o Regulamento de Organización, Funcionamento e Réxime Xurídico das Entidades Locais (en adiante ROF), en relación co artigo 10 da Lei 40/2015, de 1 de outubro, de Régimen Jurídico del Sector Público. Esta delegación non quedará revocada polo mero feito de producirse un cambio na titularidade da Alcaldía ou na composición da Xunta de Goberno Local. A revogación ou modificación da delegación deberá de adoptarse coas mesmas formalidades que as esixidas para o seu outorgamento.

SEXTO: O réxime xurídico da presente delegación será o previsto con carácter xeral nos artigos 114 a 118 do ROF, salvo no relativo ó recurso de reposición, que será resolto polo órgano delegado.

Dar conta do presente acordo ó Pleno da Corporación para o seu coñecemento, e publicar, no seu caso, no Boletín Oficial da Provincia de Ourense.





CONCELLO DE CASTRELO DO VAL (OURENSE)

RÚA TOURAL, 15 - TELF. 988 419 002 - TELEF./FAX 988 419 122

Declarar que a presente resolución surtirá efectos dende o día seguinte ó que o Pleno da Corporación, adopte no seu caso, o acordo de existencia e formación da Xunta de Goberno Local.

As devanditas atribucións son EXPRESAMENTE ACEPTADAS pola unanimidade dos presentes.

Seguidamente pasouse a dar lectura ó **acordo do Pleno de data 22 de xuño de 2023 no que se acorda delegar na Xunta de Goberno Local ó seguinte:**

- O establecemento ou modificación dos **prezos públicos**, de conformidade co disposto no artigo 41 do Texto Refundido da Lei reguladora das Facendas Locais; competencia delegable segundo o Art. 47 da mesma norma e o Art. 22.4 da LRBRL
- O exercicio das **accións xudiciais e administrativas, e a defensa da Corporación** en materia de competencias plenarias (Art. 22.2.j) da LRBRL).
- A concertación das **operacións de tesourería**, cando o importe acumulado das operacións vivas en cada momento supere o 15 por cen dos ingresos correntes liquidados no exercicio anterior, de conformidade co disposto na Lei Reguladora das Facendas Locais. (Art. 22.2 m) da LRBRL)
- A aprobación dos **proxectos de obras e servizos** cando sexa competente para a súa contratación e concesión, e cando aínda non estean previstos nos presupostos (Art. 22.2.ñ) da LRBRL)
- A **solicitud, aceptación e xustificación de subvencións** do Estado, a Xunta e da Deputación, das que a súa normativa atribúa ó Pleno esta competencia.

AMBITO TEMPORAL DA DELEGACION:

Desde o día seguinte ó da adopción do acordo polo Pleno, sen prexuízo da súa publicación no BOP, de conformidade co artigo 51.2 do ROF, ata a extinción do mandato da actual Corporación ou ata que se revogue expresamente polo Pleno.

FACULTADES QUE SE DELEGAN:

A adopción de cantos actos administrativos sexan precisos para a tramitación e resolución dos procedementos en relación coas atribucións que se delegaron incluíndo a resolución dos recursos de reposición que se interpoñan contra ditos actos.

As devanditas atribucións tamén son EXPRESAMENTE ACEPTADAS pola unanimidade dos presentes.

Finalmente acordouse por unanimidade determinar que a Xunta de Goberno Local se reúna en **sesión ordinaria** os **segundos xoves de cada mes**.

E ó non ser outro o obxecto deste acto, remata a sesión estendéndose esta acta, que o Sr. Presidente





CONCELLO DE CASTRELO DO VAL (OURENSE)

RÚA TOURAL, 15 - TELF. 988 419 002 - TELEF./FAX 988 419 122

asina conmigo, o secretario, que dou fe.

O Presidente

O Secretario